

長慶空隱獨和尚語錄

洞宗三十五世住丹霞法孫今釋 重編

問答

僧問現前且道承誰恩力師云上座也解恁麼問進  
云建化門庭且置未萌以前道將一句來師云卽今  
是什麼進云兔角杖二爲什麼能穿電影師云大慈  
悲菩薩

僧問倩女離魂那個是真底師云大衆看者僧也解  
恁麼問

僧問大事未明時如何師云一二三明後如何師云

靈泌問蓮華未出水時如何師云巖下煮茶燒樹葉出水後如何師云澗邊流水散桃花

僧問某甲參學以來苦無見處師云你要見作麼進云也須有個真實見處師云幸自可憐生僧罔措

師坐次僧問無我之旨畢僧復問祇者能無我者是什麼師云有病者請醫治肯肯愈醫云你肯已去了是什麼僧無對

師坐次指銅鍋問僧有人問你是什麼作麼生對僧云銅鍋師云還有疑麼僧云不疑師復問一僧僧不

對師以手指云你肚裏有禪

義門

僧問如何是賓中賓師云業識茫茫無本據可憐白日喪天真如何是賓中主師云途中解作活無往而不利如何是主中賓師云慈悲巧妙施方便善握司南驗正邪如何是主中主師云佛祖潛踪蒼生絕跡進云佛祖潛踪蒼生絕跡時如何師不答僧禮拜

麗中是問理則頓悟事以漸除理亦有漸悟底麼師云有事亦有頓除底麼師云有復云理若無漸悟則佛與衆生不由緣起事若無頓除則一切法皆有根本又問悟之一字亦不立敢問未悟不立悟了不立

師云月是禮拜

僧問師是那一宗師云饑來喫飯困來眠僧無語師云你道是那一宗僧云不知師便打僧云莫是臨濟宗麼師云你卻伶俐

熊心開總理問諸經云無我爲甚涅槃獨云有我師云如醫病人先用大黃消其邪熱後用人參補其元氣

楊未了司馬問弟子戒殺已久邇來專事持誦得麼師云者是功行邊事若本分上未了總是業識茫茫進云如何是本分事師云古人道乾坤之內宇宙之間中有一寶祕在形山居士還識得麼進云不識師云何不向不識處看士罔措進云居常多坐不覺每遇不如意事便打不過不知病根所在師云功德天黑暗女有智主人之俱不受還有什麼打不過處良久復云若未能直下便了且就世情上勘破祇如居士年遇六旬從前涉唾且道卽今在什麼處豈但六旬再過六劫也只如此幻妄空花徒勞把捉者裏勘得破放得下日久歲深父母未生前一著子自然觸著磕著進云側聞至論毛骨悚然不知要見未生前一著子如何下手師云者便是下手士禮拜

嚴春陵司李問弟子職司刑罰民命攸關何以令彼無隱情此無枉法師云只從自己根源上討個分曉自然把柄在手生生殺殺無非妙用進云敢問某甲自己根源分曉所在師云山僧若說是山僧底進云某甲嚮道已久無奈何種種情念終難排遣師云此未是根源話然試問居士假如夢中覺夢還是夢麼進云畢竟是夢師云醒來夢中心境還用排遣麼進云不用排遣師云根源上明了亦復如是一切情念不除自盡進云情念盡時豈非空無所有師云若無所有又成斷滅去也就者裏體驗看

金叔起居士以解易白負每舉一陰一陽之謂道師云汝所論陰陽口頭道理耳卻拈不出來起云師能拈出試拈出看師云生死大事汝還知麼起云不知師云一陰生汝不知生死還求知麼起云求知師云一陽生

法字已請益格致之旨且述陽明頌語以質師云此事不與教乘合況儒典耶雖然孔子手眼也不小渠開口道個在明明德明德是什麼爛柴頭學者向什麼處撈摸陽明揭出良知亦非世見可到但云無善無惡心之體我不如是已云師意如何師云不可思

議心之體有善有惡意之動何不云一念動處卽爲  
意知善知惡是良知說他不是良知亦不得已云師  
又如何師云知而無知是良知爲善去惡是格物我  
與你另拈出物而無物是格物

僧問閻羅王還有以無師云子甚處來云杭州來師  
云會麼云不會師云莫道無閻羅王喫鐵丸有你分  
在

蔡雲怡督學問日坐金輪峯還望見漢陽峯頂否師  
作此①相答之又問踏上匡山有三條大路畢竟那  
一條是大路師云喫者一條是大路又問廬岑險峻

高出羣峰爲什麼羣峯讓他獨出師云爭怪得伊又  
問身在山中身在山外且置祇如麤頑者土皮壘塊  
者石骨凹凸者峯巒參差者林木奔飛而下墜者瀑  
布鬚鬣而上升者雲烟怎見得廬山真面目師云土  
皮石骨峯巒草木瀑布雲烟又問有人在金輪峯頂  
有人在彭蠡湖中忽遇波浪滔天石觸舟沈峯上人  
作何救他舟中人作何自救師云南無觀世音菩薩  
師與蔡督學話次驀指瓶中花問云一種花爲什麼  
有二種色蔡云根無二種師不肖蔡云師意如何師  
云一種花二種色